

明史攷證擣逸

明史攷證攜逸卷十六

長洲王頌蔚編集

列傳第八十二

喬宇傳

條上道中所見軍民困苦六事

按宇所條六事曰恤邊民厚邊軍廣儲蓄慎守令省
科派重祀典見陳璘所撰行狀

改兵部

按字改兵部時嘗條宿弊六事曰嚴操練禁役占汰
冗員買戰馬定船差修船隻見獻徵錄又南京御史
林有年以言事被逮字在兵部論救之得釋見陳璘

所撰行狀

世宗卽位召爲吏部尙書

按世宗卽位字有請早視朝以隆聖政一疏見明實

錄

孫交傳

交奏免之

按交是時并請銓衛學教授以訓武官子弟見顧璘

所撰傳

言官多請留

按是時請留交及珪者爲給事中李陽春御史原軒

等見獻徵錄

以交言罷黜過半

按是時內外倉紛置宦豎漕卒大困交上疏極論得
裁其半見識大錄

卒年八十

按明倫大典成上念交無所阻執進光祿大夫柱國
見明實錄

林俊傳

俊得謫姚州判官

按俊被謫時王恕有乞還俊一疏見列卿記

用薦擢雲南副使

按俊爲副使時南京御史姜綰等爲守備太監蔣琮

劾奏多左遷者俊上疏論救見列卿記

起撫四川

按俊在蜀時疏請上還宮并預養宗室之賢者召還
劉健謝遷林瀚王鑒韓文以復舊政見列卿記
於是俊前後被切責

按五年劉瑾伏誅俊在川疏賀並言嘗草疏劾瑾欲
俟賊平上之今幸假手張永瑾雖死大權猶在內臣
因極陳其害詔責其奏成不進懷奸畏罪第賊未平
置勿問見明實錄所謂前後被切責者指此

秦金傳

授戶部主事

按金爲戶部時宦戚奏乞鹽引每從中下金輒奏格之見獻徵錄

守開封破趙鏗於陳橋

按是時鏗等將薄封王金會參將宋振邦率兵邀之禽其魁開封民爲立生祠祀之見列卿記

趙璜傳

改兵部厯員外郎

按璜爲兵部員外時尚書馬文升薦其才堪大用見列卿記

尋調山東

按是時錢寧以錢鬻於山東爲璜所禁弗得售見列

明史卷十一
卿記

擢工部右侍郎總理河道

按正德十年黃陵岡河變運道幾梗乃擢璜總理之見明實錄又按璜佐工部時疏濬京城九門城河尙書彭澤總兵郭勛議用民夫璜奏請悉用營軍上允之見列卿記

鄒文盛傳

歷戶科都給事中

按文盛爲給事時有崇儉約省課稅裁撫治及請設憲臣以督捕處番船以通貨等疏見明實錄

梁材傳

改御史

按材爲御史時劉瑾旣誅榜諭天下材所屬草也李東陽見而愛之及作紀事稿付史館東陽皆以屬材見列卿記

尋改戶部遂代鄒文盛爲尙書

按七年材改戶部兼右僉都御史總督雲貴川廣往征雲南未至聞捷還辭兼職是冬遂擢尙書見獻徵錄又按材擢戶部尙書時特敕監吏部都察院考察人以爲異典見琬琰錄

勦益怒劾材變亂舊章

按材是時復按勦不法十事草疏未上僚友泄其語

遂爲勦所中落職歸見獻徵錄

劉麟傳

本安仁人

安仁上加
饒州二字

按地理志安仁有二一屬饒州一屬衡州考雷禮尚書年表麟饒州安仁人

弘治九年成進士

刪成
字

言官龐泮等下獄

按泮等是時以劾外戚張鶴齡驕橫骯法下詔獄見明寶錄

麟偕同年生陸崑抗疏救

刪抗
字

起大理卿拜工部尚書

按麟起大理卿尋遷刑部侍郎拜工部尙書見獻徵錄

蔣瑤傳

調揚州

按瑤初莅揚時值歲饑瑤請漕萬石振之見識大錄王廷相傳

裁抑鎮守中官廖堂被誣

按廖堂識大錄列卿記及于慎行所撰墓志皆作廖鵬

歷兵部左右侍郎

按廷相爲兵部侍郎時騰驤四衛軍隸在中官多竄

市人名幾三萬廷相盡裁其濫僅存五千人見識大錄

列傳第八十三

王守仁傳

劉瑾逮南京給事中御史戴銑等二十餘人守仁抗章救

按是年冬劉健等致仕戴銑及御史薄彥徽等疏請斥權閹留保輔以安社稷瑾遂矯詔逮之見明實錄謫貴州龍場驛丞

按識大錄守仁在龍場時水西宣慰有亂萌守仁委曲諭以利害遂止

命勘福建叛軍行至豐城而寧王宸濠反

按是年五月福州三衛軍進賚等作亂王瓊謂主事應典曰此小事不足煩守仁但假之便宜敕書以待他變可也乃降敕令往勘故宸濠之叛守臣俱被執惟守仁以勘閩軍出見明史紀事本末

御史謝源伍希儒自廣東還

按是時謝源伍希儒以巡按復命還見獻徵錄

獨永時時左右之

按永先見帝備言守仁忠並江彬等欲害之意彬等毀遂不入見列卿記

諸同事有功者惟吉安守伍文定至大官當上賞

按文定由按察使至副都御史邢珣徐璣戴德孺擢布政使旋皆被斥御史伍希儒謝源以考察去陳槐亦削籍見吾學編

思恩田州土酋盧蘇王受反

按盧蘇王受卽土官岑猛屬酋也猛已爲鎮所誅二酋復擁眾叛見識大錄

守仁在道疏陳用兵之非

按守仁有辭兼巡撫一疏并舉伍文定梁材自代不允見列卿記

帝令守仁更議

按是時帝并令守仁以便宜行事故守仁遂悉散諸

軍見識大錄

萼遂顯訛守仁征撫交失

按萼又嘗嗾錦衣指揮聶能遷誣守仁賄黃綰薦用
兩廣綰疏辨其誣下能遷於獄杖死之見列卿記
詔贈新建侯謚文成

按隆慶初賜謚時並賜祭葬見明實錄

王守仁附傳

言者交白其冤出獄中

按明實錄謂元亨死於獄御史胡松列其狀以聞得
旨元亨死不以罪令有司恤其家在獄有誣服如元
亨者亟與辦理此作出獄五日卒未知何據

列傳第八十四

張璁傳

帝益心動趣召二人

按三年四月給事中張嵩安磐等交疏劾璁并霍韜方獻夫桂萼請并斥之見明實錄

復條上七事

按璁萼原疏云獻廟大禮詔已頗頑而義乃益舛謹復條七事其大要不出前言而提綱以便聖覽見明

寶錄

以傳奉爲學士累聖德不少

按是時吏部尚書喬宇亦言學士之職不宜使璁等

濫居乞寢之上切責見明實錄

璁萼乃復列欺罔十三事

按是時吏部員外郎辭蕙上爲人後解二篇爲人後辨二篇并辨璁等諸說上以其出位妄言逮治之於是璁等條十三事以上見明實錄

死杖下者十餘人

按是時諸臣復有被掠繫死者如編修王思給事裴紹宗御史胡瓊郎中胡璉員外郎申良等凡十有六人見明實錄

後議世廟神道廟樂武舞

按世廟樂武舞之設禮部侍郎朱希周太常卿汪舉

皆疏諫帝責其妄見明實錄

遂與萼連章攻宏

按五年四月萼與璁奏許宏受陳九川所盜貢玉又嘗納鄧璋彭夔賄及居鄉不法事宏疏辨并陳萼等挾私誣訐狀見明實錄

諸翰林恥之不與並列

按諸翰林恥與同列者如學士豐熙修撰楊維聰舒芬編修王思皆各疏乞歸見明實錄

七年

按七年璁疏請嚴宣諭杜私謁重制誥平潞賊定服制又應制陳言曰審幾微惜人才專委任求民瘼見

列卿記

乃更加少保兼太子太保

按王世貞史乘考誤云初上特加璁萼等宮保璁以前星未耀請俟異日上故特加少保無兼官見行狀誌銘及進明倫大典表俱可證此言兼太子太保誤也鄭曉閣臣表亦無兼官

遂以制作禮樂自任

按是時璁又議倣古立九嬪以廣儲嗣見列卿記

嘗稱少師蘿山而不名蘿改

按璁自號羅峯嘗建羅峯書院於姚溪後因帝有張羅山之稱乃更號羅山見列卿記此誤羅爲蘿

桂萼傳

安仁人

上加饒州二字

按地理志安仁有二一饒州一衡州夢饒州安仁人
尊自是受知特深

按三年六月修撰楊慎張衍慶等三十六人言臣等
與桂萼輩學術不同議論亦異乞賜罷歸帝責其輕
肆奪俸有差見明實錄

爲南京給事中所劾

按是時劾萼者爲南京戶科給事中林士元事在五
年正月見明實錄

方獻夫傳

謝病歸

按五年南御史趙元言大禮本出宸斷獻夫及璁萼書等未及一載累加遷擢宜并聽辭免帝切責之見列卿記

尋復代萼爲吏部尚書

按獻夫居吏部時上言任用守令五弊一選任太輕二遷轉太數三旌舉不嚴四體貌太卑五職守不明見列卿記

夏言傳

復條九事以上

按所條九事一請褫寧夏冒廩太監張容魏英等一

請核凡以平賊冒功曾陞職俸者一請罷諸臣因軍功陞授其子弟者并自後諸臣不許假以武廕一請分別廠衛僉獲妖言及捕繫寇賊陞賞一請除五府錦衣衛不由軍功陞敘者一請改正流官署職之弊一請究行查京衛親軍稽留之弊一革過職級見在領敕管事者宜另爲銓代一請禁汰黜人員奏辨俱如所議見明實錄

諸疏率謂謂爲人傳誦

按嘉靖二年言有請遣近臣覆勘備倭失事諸臣功罪並區畫應否通貢絕約事宜一疏乃造給事劉穆往按之見明實錄

七年調吏科

按嘉靖八年溫州逃兵變府衛不能制又海寇掠寧紹諸郡浙東大擾言請都御史巡視及江淮總兵官以備控制從之見列卿記

乃罷李敬而釋言

按嘉靖十年七月行人司正辭侃疏請迎取親王一人入京司香李敬密與彭澤謀誣言主謀下法司訊侃曰我自爲之言實不預遂釋言而戍澤邊衛見列

卿記

居數日怒解命止行復以少傅太子太傅入直

按是時帝手敕吏部并復言禮部尙書武英殿大學

士還閣辦事見明實錄

進吏部尙書華蓋殿

按是時進言華蓋殿大學士見明實錄此脫大學士三字

手敕禮部厯數言罪

禮部改都察院

按明實錄二十一年六月上手諭都察院謂改慈慶爲東宮居朕必不爲言前稱朕意爲正今何一用助言因并數其恣肆諸罪此作手敕禮部誤

未幾河套議起

按十七年十一月巡按山西御史何贊有請復河套一疏見明實錄是爲河套議之始

言始大懼謝罪

謝罪改疏辨

按明實錄嵩攻言言疏自辨帝責言強君脅眾所奏又無引罪詞令都察院參看以聞則言并未嘗謝罪應改謝罪爲疏辨又按是時部院參言事惟任意跡涉強君帝曰爾等奉旨議奏猶爲跡涉此非媚卽畏亦見明實錄

列傳第八十五

席書傳

入爲工部主事

按書爲工部時督漕於清江麻綜理有方著漕船志

見列卿記

尋以右副都御史巡撫湖廣

按書巡撫湖廣時都指揮甘玉海等大肆貪虐軍民苦之皆置之法見列卿記

因交章諷書

按是時給事中李學曾御史胡瓊等各疏言秩宗否任非書所能堪不聽見明實錄

乃條新政十二事以獻

按書所條十二事倣姚崇要說之意御史藍田劾書自居姚崇比上元宗大不道上怒削田籍見明實錄乃力薦楊一清王守仁入閣

按書巡撫湖廣時曾於元年三月薦致仕大學士楊

一清經略西北得旨待缺起用不必煩以邊事見明
實錄

五年

按嘉靖五年會試書知貢舉舊例廷試內閣所讀之
卷多入一甲二甲九卿分讀者以爵爲次書疏革其
弊見列卿記

乃命逮鑑入京再訊

按是時御史蘇恩大理評事杜鸞訊其事各疏陳鑑
罪狀并劾書動援大禮壓制羣僚壞亂政體見明實

錄

霍韜傳

除職方主事

按韜在兵部時極言清軍武選之弊上可其議令京衛軍冊如武驥等四衛例五年一次備造并查武選清黃事宜見明實錄

帝嘉納之

按韜疏又陳去冗官清仕路正士風略虛文明教化久職任諸事見明實錄

且請令六部長貳翰林給事御史俱調外任至不宜因資格

按是時給事中沈漢劾韜欲變官制之謬見明實錄嘗因災異陳時政十餘事

按嘉靖八年星變韜陳召災六事曰宗室失所邊軍
困苦冗官擾民職吏害民酷吏肆虐內官貪暴帝嘉
納之見識大錄

韜極言其非

按韜疏言親蠶爲亂成法分郊爲秦朝政遺言書謂
祖宗定制不可改周禮爲王莽僞書宋儒爲夢語兒
列卿記

久之出韜爲南京禮部尙書

按嘉靖十四年莊肅皇后崩議謚希旨者以四字請
韜援舊制力爭之見識大錄

給事中李充濁曹邁等交章言近侍之臣不當避道

按是時與李充濁同疏抗者爲給事中謝廷菴見明實錄

復摭言他事

按是時韜并劾言受費完賄排劉淑相見列卿記
命韜以太子太保禮部尙書協掌詹事府事

按是時吏部尙書許讚有薦韜一疏遂有宮僚之擢
見識大錄

所至與人競

按韜爲兵部主事時論科道亵服授受詔旨大不敬
給事中安磐等因劾其先議大禮得罪名教恐言官
發其姦意在傾排時俱置不問見明實錄

熊浹傳

由右給事中出爲河南參議

按浹爲參議時會鄰境寇作浹曰安得以職守分彼此耶卽勒兵捕之見獻徵錄

改兵部

按浹爲南京兵部時奏減龍江淺船餘丁幫甲以甦困苦又禁和買罷諸苛法見獻徵錄

隆慶初復官

按隆慶元年並追贈浹少保見明實錄

黃宗明傳

正德九年進士

按宗明祖瑛廬陵教諭襲辟姓弗克復宗明登第首疏復黃姓見列卿記

尋請告歸

按正德十六年陞宗明工部屯田司郎中不起見明實錄

徵拜光祿卿

按宗明爲光祿卿時輯光祿須知爲疏以進乞爲中制使一切有常式著爲令見列卿記

持論頗平

按宗明嘗應詔陳四事一求才二勵志三定計四責任見列卿記

黃綰傳

爲南京都察院經歷

按嘉靖初詔徵遺逸綰以御史朱節薦起爲都察院經歷見獻徵錄

召擢光祿少卿

按是時席書胡世寧皆交疏薦綰乃有光祿少卿之擢見明實錄

出爲南京禮部右侍郎

按是時綰帶管操江嚴防禦謹盤詰一時江盜屏跡

見獻徵錄

贊

席書等亦由議禮受知至乃不足道矣

改嘉靖初欲追崇所生不過稱

裕稱考其於孝宗之稱未有異議也席書等邪說紛起起
與張璁桂萼相附和必欲改孝宗爲皇伯考意惟在邀
結主知而已其後興獻入廟稱宗說者謂非諸人倡議
之初心夫旣稱孝宗爲伯則興獻之入廟稱宗乃勢所必
至安能口口口口其責哉書韜在官雖嘗有建樹而
功不掩罪決與宗明稍自敏戢見容於時亦復何足取
若綰之傾狡尤不足道矣

按席書等附和璁萼不考孝宗遂致興獻入廟瀆禮，
亂倫莫此爲甚雖少有建白亦不足以掩罪原贊未

協

列傳第八十六

楊一清傳

評一清冒破邊費逮下錦衣獄

按明實錄正德二年六月罷修邊垣輸其費於京師十月逮問各邊巡撫都御史一清之下獄當在是時饋謝有所入緣手卽散之

按獻徵錄載楊一清爲相時人有餽美珠一斗者一清直受之後諸邊將謁議兵事乃以所受分給之頃刻皆盡所云緣手卽散或指此

亦不刺竄西海爲西寧洮河害

按西海卽青海古湟中地也考西域傳亦不刺本蒙古部人因得罪其主率衆竄據其地爲西寧邊患者二十年至嘉靖十一年爲吉囊所破患始稍息一清又因災變請戒飭百官和衷

按一清於嘉靖五年疏陳五事一曰聖學二曰聖政三曰聽言四曰宥過五曰和衷見明實錄傳所言戒百官和衷宥議禮諸臣當指此但云因災變而言與實錄互異

彭澤傳

內應絕乃復求和

按西域傳是時土魯番與瓦刺相攻力不敵乃求和款塞非因拘其使無內應也

曾失拜煙答子訟父冤

按失拜煙答既繫獄旋被捶死故其子爲之訟冤

毛伯溫傳

巡按福建河南

按伯溫按河南時折服中官孫某姦猾斂迹又曾按湖廣繩壽王軍校以法見羅洪先所撰行狀

上方略六事

按伯溫所上六事一曰正名二曰用兵三曰用人四曰理財五曰明賞罰六曰一事體蓋非專指安南而言見獻徵錄

翁萬達傳

賞不訾

按漢書景帝紀今訾算十以上迺得官服慶注萬錢也又顏師古注亦訓訾爲財與賞義同

指揮董暘江湖唐臣張淮等戰死

潮改
瀚

按江湖外國傳作江瀚明實錄同此作潮誤

會尙文萬騎至

按周尙文曹家莊之戰在嘉靖二十八年見明實錄此類敘於二十七年之後

明史攷證據逸卷十六

明史攷證擴逸卷十七

長洲王頌蔚編集

列傳第八十七

李鉞傳

理河東鹽政

按鉞巡河東時有斷安邑疑獄及劾鎮守中官二事

見獻徵錄

王憲傳

召拜御史

按憲爲御史時會巡撫蘇松諸郡有土豪暴橫家置水牢以禁負債者爲憲所發治其罪見張璧所撰傳

胡世寧傳

應召陳邊備十策

按邊備十策一曰嚴考核以正士風二曰崇節儉以制財用三曰從權宜以足邊儲四曰立簡便以收鹽利五曰汰冗食以選將校六曰閱軍實以修武備七曰廣收蓄以儲將材八曰立經制以禦外侮九曰重將權以責成效十曰用間諜以覘敵情見今獻備遺又請善保聖躬至竝乞留中

按世寧言保身講學二事在嘉靖四年見明實錄
世寧言賞過濫

按世寧奏工匠受職太濫在嘉靖五年四月見獻徵

錄

中官剛聰誣漕卒掠御服

按聰以織造至南京輿運舟爭道遂起此獄見明實錄

陳九疇坐累廢

按九疇先於正德間以哈密事遭誣削籍至嘉靖初由按察使起爲僉都御史巡撫甘肅連破番兵絕哈密貢使會王瓊與彭澤交惡修前隙使王邦奇等訟其開邊蠶賴世寧言得免見趙時春所撰傳史言坐累蓋指此

李承勛傳

且言山西潞城賊至再勝再叛

按是時土魯番奪哈密小王子入塞田州岑猛芒部沙保皆叛見明實錄所云山西潞城川貴芒部蓋指此

范總傳

又薊鎮五里堠划車开連口慕田谷等地宜設墩臺谷改

按方輿紀要慕田峪堡在通州東北百有五里明時設兵戍守此作慕田谷誤

惡谷紅生谷香爐石等地宜斬崖豎生土

按邊防考紅土谷在黑谷關八十里與惡谷香爐石

等處連接明嘉靖時始於此緣崖置塹以爲固此作

紅生谷誤

王邦瑞傳

俺答犯都城

按明實錄俺答薄京城在嘉靖二十九年八月

列傳第八十八

姚鏗傳

遷福建副使

按鎮任福建副使時嘗定計討平大帽山賊劉龍等

見翟鑾所撰墓志

張嶽傳

墳以郎承勘爲民

按獻徵錄載嶽官興化時郡人戴大賓弱冠及第劉瑾欲以姪女奪其舊聘囑嶽主之嶽拒不從遂爲所惡借張祐事落其職

召爲光祿卿

按墳之內擢由宸濠忌其不爲己用行賂陰使之見費宏所撰行狀

蔡天祐傳

祐改

歷山東副使

按天祐官山東時曾平濟南龍山及淄川盜見獻徵

錄

詹榮傳

督餉大同值兵變

按大同兵變在嘉靖十二年十月蓋張文錦之後至是凡再亂見明實錄

劉天和傳

尋奏當興革者十事

按天和所言當革者五曰掊剋曰占役曰湖場曰派撥曰侵漁當興者五曰開墾曰墩堡曰牛種曰治水曰屯兵見王世貞所撰墓志

張岳傳

入賀

按岳之入賀在嘉靖十一年以世宗壽節也見識大
錄

移撫江西

按岳撫江西時夏言治生冢議費於廣信七縣縣指
千金岳改爲百金及嚴嵩賜第名其閣曰延恩命官
爲經理岳批牘與千金吏請益增五百金而貽書於
嵩諷以戒侈二事皆見識大錄

算子坪長司官

改長官司

按地理志明制蠻地分隸長官司此作長司官誤

列傳第八十九

陶琰傳

世宗嗣位起故官

按明實錄世宗嗣位御史周宣首疏薦琰旋命總督漕運兼巡撫鳳陽

其冬改南京兵部

按琰在南都時值歲饑乃飭諸曹盡出所積以振之仍豫給軍糧數月皆已行而後聞又裁抑內官貢船之半見獻徵錄

王績傳

乾清宮災

按乾清宮災續上陳四事曰正大本省內臣覈驛遞廣延納見明實錄

陳正本十事

按續所陳十事曰正大本法祖德廣延訪重詔令禁奢侈求賢才恤民瘼正風俗復舊制重人命見明實錄

李充嗣傳

擢陝西僉事至累遷右副都御史

按充嗣官陝西時嘗疏劾中官某劉瑾怒之偵其事無所得時充嗣方除父服侍母養瑾乃摭其服制違限免官瑾誅起爲江西僉事七年由山東副使擢雲南按察使八年遷本省布政使九年擢順天府府尹未至以都御史王懋中疏薦遂有副都御史之擢見

識大錄

寧王宸濠反

按充嗣聞宸濠增置護衛屢疏指陳反狀請急爲捍
禦不報見獻徵錄

未幾世宗嗣位

按世宗嗣位充嗣言正德間內府供用庫新添火者
數至五千加添糧米十三萬石宜悉裁省又陳三事
一恤民窮言常賦外宜盡免一均田則言江南田糧
宜畫一一繩監收言各處輸納苦內臣需索宜令科
道監覈帝皆從之見明實錄

吳廷舉傳

忠亦訐廷舉他事逮繫詔獄

按廷舉爲副使時劉瑾索括省帑解京廷舉請留備軍瑾怒之會爲潘忠所訐乃矯詔罪之見列卿記寧王宸濠有逆謀

按宸濠嘗致書陸完曰都御史孫燧宜急易慎毋以吳廷舉代也見列卿記

且引白居易張詠詩語多諱諧

按廷舉所引居易詩月俸百千官二品朝廷雇我作閒人詠詩獨幸太平無一事江南閒殺老尚書所謂語多諱諧即此見識大錄

追謚清惠

按賜謚時並贈太子少保見明實錄

方良永傳

刑部郎中周敏力持

按周敏識大錄諸書皆作周時敏

起湖廣副使

按良永爲湖廣副使時藍鄆諸賊寇蜀總制洪鐘檄
良永赴蜀贊畫賊平乃還見獻徵錄

中外交薦

按是時如御史朱節沈灼皆奏起良永左都御史胡
世寧復薦良永自代見明實錄

王爌傳

屢遷刑科都給事中

按廣遷刑科時有請勤政務惜老成專委任三事疏
見獻徵錄

韓邦奇傳

起山東副使遷大理丞

按明實錄邦奇由山東副使厯河南副使乃有大理
之擢

列傳第九十

廖紀傳

卒贈太保

按紀墓志卒贈少傅與史互異並載賜祭九壇命工

部營葬

王時中傳

坐論御史馮恩獄

至時

稱爲長者

按時中坐論御史馮恩獄落職閒住及恩疏詆時中
史俱未詳原委考獻徵錄馮恩疏列輔臣六曹長貳
過爲軒輊械繫詔獄疏中謂時中爲具臣而時中且
言御史糾舉職也何罪因而比職人服時中雅量云
唐龍傳

錢寧義父參將盧和坐罪當死

按和爲參將時以火燬人死屍又強奪生員妻事發
問斬罪見獻徵錄

王果傳

贈太子太保

按七卿表果於嘉靖二十六年五月加太子少保獻徵錄同此但言隆慶初贈太子太保

閔淵傳

字靜中

按淵字靜中獻徵錄同明書字靜夫

劉訥傳

身雖黜而天下稱之

按訥卒於嘉靖三十八年九月年七十有七見獻徵錄

孫應奎傳

王準謫富民典史

至乞復準官

按準傳云璁萼罷亦下吏謫富民典史稍遷知縣都御史汪鋐希璁指以考察罷之與此互異

李默附傳

應詔陳八事

按八事史僅舉其三考獻徵錄云公推薦辨國是審蠲除通鹽法裕邊儲廣矜有正憲體先務實

條上善後七事

按七事史未詳載考獻徵錄云廣修船處工料循舊例酌起運清草場嚴點閱修馬政

胡松傳

上邊務十二事

按邊務十二事史未全載考名臣實錄云懲苟玩堅
障堠懷攜貳蓄孳牧慎任使利器具廣間諜清耗蠹
嚴備禦核屯戍豫積貯撫傷痍

三遷江西左布政使復以右副都御史巡撫其地

按誠大錄獻徵錄及名臣實錄俱載松平盜時因議
曰豫章爲閩廣下流常受其衝莫若於要地增置城
濠屯戍守先事而待之復減租稅理冤獄舉賢才黜
貪墨民得蘇息

趙炳然傳

卒贈太子太保

按七卿表云隆慶元年四月趙炳然加太子太保告病與此互異

列傳第九十一

鄭岳傳

寧夏總兵官仲勛至岳自白

按獻徵錄仲勛行賄求調爲東廠捕追金幣勛嘗失事被岳劾禮帖獨無岳名言官風聞論之岳因自白

劉玉傳

玉陳修省六事

按六事史未詳載考識大錄云端治本清化原親大

臣屬庶官擇內侍攘外禍武宗嘉之

唐胄傳

移山東

按王宏誨所撰神道碑云胄巡撫山東時方尋黃河故道以疏三郡水災核逋省荒田給民牛種墾之爲世世永利未就而陞南京戶部右侍郎

潘珍傳

遷福建副使

按韓邦奇所撰墓志云珍遷福建副使時捕禽劇寇三百餘有白金紹絲之賜

李中傳

至是摭他事誣劾

按羅洪先所撰行狀云時公卿中多懷忌故其誣得
行但亦未詳何事

歐陽重傳

銳等假他事繫之獄

按羅洪先所撰墓志云重於田崑扈仁李穩余祐樊
準之獄皆出死力相爭卽嚴旨切責不爲動銳不勝
忿故以他事中亦未詳所中何事

陳察傳

不忍言獨死

按王邦奇罷千戶不得志因誣大學士費宏等揚言

糾邦奇反下獄故察有不忍言獨死云云並請下邦奇於獄也見獻徵錄

列傳第九十二

翟鵬傳

宣大總督樊繼祖罷

按樊繼祖罷史未詳何事考王道中所撰行狀云爾時欽差科道前去宣大查盤節年邊儲先後巡按總督俱被參劾想繼祖之罷總督卽其時也

孫繼魯傳

雲南右衛人

按獻徵錄繼魯其先浙之錢塘人徐栻所撰墓志同

知衛輝淮安二府

按徐栻所撰墓志云知淮安時化孚境內民建祠立碑有紀愛錄載政績甚詳

曾銑傳

遺子潭屬所親萬綱賂當途

按明寶錄潭先後持金數萬託綱致之言所

楊守謙傳

徐州人

按獻徵錄守謙世爲湖廣長沙人後徙彭城

卽日戮於市

按獻徵錄守謙督學陝西時仇鸞爲甘肅總兵潛與

賊通守謙聞而密白之中丞臺御史臺事竟寢未發
其後讐知而遂恨公切齒至是譖於世宗曰楊守謙
雖勤王實按兵觀望縱賊劫掠世宗大怒逮繫詔獄
法司擬戍愈怒罰治法司特旨棄市

商大節傳

屢條上軍民急務

按聶豹所撰墓志云大節巡視九門時疏屢上一曰
固守關廂以安重地一曰一事權肅號令以振軍威
一曰急殺叛賊以救生靈一曰安插內移軍民以免
飢餓而懸重賞招忠勇以固根本尤疏內所致意

又明年竟卒於獄

按聶豹所撰墓志云仇鸞卒帝憐大節忠義將釋之乃遽卒於獄與此互異

王忬傳

又劾罷東廠太監宋興

按李春芳所撰墓志云時宋興領東廠京師莫敢誰何且有賄嚴嵩萬金之事忬抗疏劾之

明攷逸十七

十三

明史攷證攜逸卷十七

明史攷證攢逸卷十八

長洲王頤蔚編集

列傳第九十三

朱紂傳

製擴志作絕命詞

絕改

按紂自撰擴志內有俟命詞此作絕誤

張經傳

入城大掠賊復陷崇德

賊字移入
字之上

胡宗憲傳

會御史汪汝正籍羅龍文家上宗憲手書

按識大錄時嚴世蕃羅龍文以謀叛論斬籍何東序

謝廷傑因構與宗憲仇者謂其侵匿龍文財產因而逮繫與史所載宗憲下獄事互異

曹邦輔傳

謫戍朔州

按獻徵錄邦輔謫戍朔州時吳人感其功德爲生祠祀之

李遂傳

忤尚書夏言因事劾之下詔獄

按識大錄始言善遂旣數見遂據經辨諍因銜之給事中曾朴適以駁諭忤言言謂遂與朴善意遂主之未有以發也後劾遂無故不參公座因指其平日會

友講學結朋黨變亂是非故下詔獄

卒贈太子太保

按獻徵錄識大錄贈太子少保與此互異

唐順之傳

淮揚適大飢條上海防善後九事

按名臣實錄順之以淮揚重地值歲歉請於朝得餘鹽銀二萬兩以振又自捐俸金令有司以次捐俸易米散各鎮爲粥以食飢民所載九事甚詳約千餘言列傳第九十四

馬錄傳

章下都察院

按章下都察院時尙書席書助郭勛爲李福達地
事杜鸞劾書及勛請將二人先正國法徐命多官議
福達罪不報見明史紀事本末

會給事中王科鄭一鵬程輅常泰劉琦鄭自璧趙廷瑞
沈漢秦祐張達陳皋謨御史程啟充盧瓊邵幽高世魁
任澤南京御史姚鳴鳳潘壯戚雄王獻評事杜鸞刑部
郎中劉仕主事唐樞交章劾勛

按給事常泰徐溝人方馬錄按山西時三司會鞠錄
考於常泰泰爲言張寅卽係福達灼然不疑至是泰
又疏論之見明史紀事本末

遂搜錄篋得大學士賈詠都御史張仲賢工部侍郎閔

楷御史張英及寺丞淵私書

按張英先爲山西巡按時福達事發布政使李璋等以獄上英已如訊會任滿代還錄往治其事見明史

紀事本末

率同連名

同改
眾

按明實錄作率眾

謫戍邊衛者七人琦遼秦瓊啟充仕及知州胡偉

按胡偉爲代州知州方辟良發李福達事偉訊鞫具獄以上故併罪之見明史紀事本末

馬錄附傳

出爲湖廣僉事

按沐由僉事遷福建副使入觀時楊一清應詔薦天下諸司才堪公輔者十六人以沐爲首見獻徵錄

劉琦字廷珍洛陽人

按琦爲陝西延安府洛川人故得知福達逃洛川事呂柟靜野集及題名錄並作洛川此誤

琦疏陳顛末

按琦嘗因災異陳親賢去佞仁民恤軍選將信賞明罰七事且請倚大臣爲腹心任言路爲耳目見明寶錄

盧瓊字獻卿

按瓊於世宗卽位時疏請盡撤天下鎮守中官並爭

興獻王皇號見嘉隆奏議及明實錄

遂并漢收繫除其名

刪漢字其字

天啟初贈少卿

贈下加光祿二字

按璵降行人司正後遷光祿丞天啟初贈光祿少卿傳刪遷光祿丞事則所贈少卿無所指賓

授藍田知縣

按王科令藍田時有近境土賊馬隆輩三百餘人謀攻藍田科設方略防守據阨隘給械甲請兵勦捕遂不敢犯而退見郭樸所撰科傳

程啟充傳

清寧宮小房火

按本紀作清寧宮後殿火五行志作清寧宮後三小宮災並與此互異

張達傳

嘉靖元年授刑科給事中

按嘉靖初給事史道坐許楊廷和下獄尙書彭澤詆道橫議達言道以諫官言事本許直陳可也至欲倒持政柄而去內閣之權澤以譏論大臣當存體統可也至欲因噎廢食而箝言官之口且今日大臣未嘗面對而論者以爲太重言官罕承俞旨而說者以爲橫行因一事之失而傷莫大之體此有識所謂竊歎也見嘉隆奏議

蔣綸市寵

按喬宇傳作蔣輪

頌蔚按錢徽傳亦作輪

鄭一鵬傳

督師討大同叛卒

按大同卒殺巡撫張文錦首倡者爲郭鑑時廷議擢桂勇爲總兵按察使蔡天祐爲巡撫朱振故以總兵官逮繫在獄郭鑑等出之脅令主兵振要以勿犯宗室勿掠倉庫勿縱火殺人竄遂稍戢桂勇因定計禽鑑斬之鑑父又糾徐氈兒等倡亂報復先後亦就誅天祐等因以書止胡瓊見明史紀事本末

唐樞傳

至所言張寅之卽福達實有明據

按福達初爲其仇薛良所首獄上時山西巡撫畢昭以福達果屬張寅並非李午爲仇家所誣盡反其獄坐良誣告獄未竟而昭乞養去李珏時爲山西按察

蓋承畢昭指也會馬錄出按窮治其事淳成大獄見

明史紀事本末

頌蔚按陸粲傳旣據牒徵錄及貞山文集改張福達爲張福此亦應一律

正改

又留心經世略九邊及越蜀滇黔險阻阨塞無不親厯按樞於嘉靖三十四年嘗與鄒守益羅洪先等並舉邊才尋報罷見明實錄

葉應聰傳

立罷旦擢紀代之

按喬宇被劾致仕卽起楊旦爲吏部尙書旦赴召時於途中馳疏劾璁萼陳洸遂承璁萼指劾旦改擢廖紀旦固未履尙書任也見明實錄

陸粲傳

尋偕御史郗元洪清覈馬房錢穀

按粲陳馬政十事曰稽實數省虛費免會派減旗軍處牛羊嚴買補革冗員禁饋遺謹防範立公署見粲所著貞山文集

爭張福達獄

達改之

按熊訥傳作張福無達字獻徵錄及粲文集並同

南京禮部尙書黃綰尚書改侍郎

按本紀綰以嘉靖十八年起爲南京禮部尙書綰本傳七年爲南京禮部侍郎纂上疏時綰正爲侍郎纂文集疏稿下作侍郎此誤作尙書

邵經邦傳

授工部主事

按嘉靖二年詔工部爲陳皇后父泰和伯陳萬言治第其費當白金六十萬經邦力諫不宜寵待外戚太過由是直聲大起以憂歸復補刑部員汪琬鈍翁類

纂

惟經邦與豐熙等八人不在赦例

按八人爲豐熙楊慎王元正馬錄呂經馮恩劉濟邵經邦見明實錄

劉世揚傳

歷吏科左給事中

按世揚爲給事時與同官劾罷兵部尙書李時中見明實錄

世揚等乃盡劾璁萼黨尙書王瓊而下數十人

按世揚等所劾言總督尙書王瓊諭德彭澤中允孫承恩大理寺丞葉忠御史儲良才五臣宜斥順天府尹黎奭中允廖道南編修金璫僉都御史李如圭大理少卿曾直南京太常卿方鵬六臣宜黜調刑部郎

中劉汝輓工部郎中丁洪員外郎金述吏部郎中胡
森主事王激禮部員外郎張敬御史敖鍼司業江汝
璧待詔葉幼學刑部員外郎張寰太僕丞姚奎編修
張袞給事魏良弼御史陸夢麟戶部員外郎郭憲十
五臣宜參酌去留見明實錄

但去編修金璐御史遨鍼

遨改敖鍼下增
儲良才三字

待詔葉幼學儲良才

才三字

按儲良才官御史此列待詔誤

中言大學士石瑤貞介

瑤改璐
下同

按韋輔表及石瑤傳並作瑤

劉世揚附傳

尙書林俊以執奏獄囚李鳳陽被旨詰責

按李鳳陽爲中官崔文家人因事下刑部獄文取中旨移入鎮撫司俊留不遣俊傳作陽鳳與此異

魏良弼傳

劾罷提督五軍營保定侯梁永福

侯改伯

按梁銘封保定伯子璫進封侯仍予世襲伯爵永福爲璫孫本襲伯爵見功臣世表此謫伯爲侯

孚敬奏良弼挾私

按良弼於十一年四月巡視京營薦舉襄城伯李全禮等署都督僉事牛桓等指揮僉事王定等十五員發閣擬票閣臣謂其濫保罰俸兩月至八月良弼因

修省求言遂劾孚敬孚敬詆其挾私報復蓋指前擬
票罰俸言之也見孚敬文集奏疏

列傳第九十五

鄧繼曾附傳

最字振廷崇仁人

按劉最曾道獲遺金默坐以俟後得遺者還之詳陳
九川所撰墓志

楊言傳

坐事再謫知彝陵

按再謫知彝陵亦爲忌者所傾及後爲湖廣參議忌
者復傾之遂鐫籍以歸詳獻徵錄及識大錄

薛侃傳

歸語兄助教俊

按明書侃兄俊字尙賢以博學有行著信於鄉閭侃少師事之

楊名傳

童子時督學王廷相奇其語

按識大錄王廷相立之坐隅難以經史應答如響廷相器之

明年以第三人及第

按名廷試對知人安民策日未仄援筆萬言世宗覽之批云能守聖學以爲本此乃知要之說置一甲第

三人事詳識大錄

久之卒

按識大錄名卒年五十有五

張選傳

選治蕭山有聲

按黃正色所撰墓志云選離蕭山任時士民爲立生祠祀之

家人投良劑得甦

按黃正色所撰墓志云藉諸元老洎同鄉諸君投之
砭劑幸獲生與此微異

王與齡傳

遷文選郎中

按與齡遷文選郎中時以用天下人才爲己任上疏條故事請抑奔競清仕途重撫臣責成守令奏報詳趙時春所撰行狀

列傳第九十六

汪應軫傳

遂出爲泗州知州

按應軫去泗之日行李蕭然父老送者皆泣下建祠立碑紀其去後思詳諸大綬所撰墓志

所上凡三十餘疏

按應軫三十餘疏史僅舉其三餘未臚列考諸大綬

所撰墓志亦僅言申王守仁之謗留林俊諫垣之任
遵典禮崇正統諸疏而已

黎貫傳

授御史刷卷福建

按貫刷卷福建時兼有勅倉庫軍衛器械之職故追
尙春銀十三萬有奇種三十六萬石見識大錄

貫率同官合疏爭之

按識大錄貫率同官合疏時汪鋐使人止之曰疏上
必得重罰且將命爾按粵西矣貫不聽疏上果震怒
後鋐迎合孚敬欲置諸死許讚力持之怒稍解乃罷
爲民

錢徽傳

又疏劾大學士李時禮部尙書夏言工部尙書溫仁和外戚蔣輪

按蔣信所撰墓表云是時臺諫畏李時諸人莫有言者徽上疏論其傷大臣之體

顏鯨傳

已上漕政便宜六事

按六事史未詳載考識大錄及獻徵錄云省糧耗惜夫力支折銀恤班軍任監兒查稽誤

列傳第九十七

楊最傳

立下詔獄重杖之

按最被杖係嘉靖十九年八月事

楊最附傳

帝用閣臣議分建南北郊且欲令皇后鑿北郊

按明實錄嘉靖九年三月皇后親蠶於北郊五月作

四郊從夏言之議

馮恩附傳

帝果罷鋐官而責宗鑑言不早

按雷禮列卿年表汪鋐以嘉靖十四年被劾致仕後

謚榮和

楊爵傳

割道殍食之

葬改

按字書莩芳無切葭蘆也古通殍至殍字則平表切其義專指餓死者而言傳云道莩蓋謂以野菜爲食也若作殍則是人相食矣

爵疏詆符瑞且詞過切直帝震怒立下詔獄

接賀雪在嘉靖二十年正月爵抗言下獄卽在二月

有神降於乩帝感其言立出三人獄

按獻徵錄上用箕降神之言楊爵與周怡劉魁俱得釋上特爲箕神造臺太宰熊彥極言不可上怒罷熊爲民而復逮三人

周怡傳

從學於王畿鄒守益

按畿號龍谿守益號東郭皆王守仁講學弟子見獻徵錄

陳新政五事

按怡所言五事一曰定君志二曰畏天命三曰敬大臣四曰擇左右五曰勤朝政見姜寶所撰墓志

劉魁傳

得寶慶府通判

至潮州府同知

按魁判寶慶五年守鈞州七年貳湖州六年所至民思爲立生祠見獻徵錄

得釋未幾復追逮之

至趨就獄

按唐伯元所撰傳魁下獄有百戶戴經者藥之得不死旣釋復逮又有校尉楊棟者食之得不死又魁之弟名元亦見伯元所撰傳

沈東傳

他如董賜江瀚力抗強敵至宜賜祭以彰死事忠

按明實錄嘉靖二十八年二月俺答寇宣府滴水厓把總江瀚指揮董賜戰死遂犯永寧周尚文力戰敗之斬其魁

踰年俺答薄都城

按俺答薄都城時東在獄聞狀具疏請以精騎督戰且設計傳檄諸路出奇夾擊被嚴嵩斥去謂囚安得

上書見獻徵錄

後同邑沈鍊劾嵩嵩疑與束同族爲報復

按餘姚趙錦上虞徐學詩會稽沈鍊與沈束皆先後上書論嚴氏時號越中四諫

沈鍊傳

謫佃保安

按鍊謫保安時值歲大祲傾橐裝作粥粥飢者收百里內骸骨買地瘞之故保安人皆感德見獻徵錄既而代鳳毛者路楷亦嵩黨也

按王世貞所撰墓志路楷行時世蕃爲酒壽楷謂除我患事成大者侯小者卿故後楷順輩有薄賞之語

殺鍊子不遺餘力也

楊繼盛傳

鷺中情怯畏寇甚方請開互市市馬

按嘉靖三十年三月開馬市於大同先是仇鷺結俺答義子使貢馬互市俺答乃投譯書於宣大總督蘇佑鷺與嚴嵩定議每歲兩市以侍郎史道領其事時繼盛爲車駕司員外郎乃上疏

鷺冒禽哈咱兒功叫改舟

按外國傳哈舟兒係中國人三衛用之以導俺答入邊至嘉靖三十年爲總督何棟購捕伏誅時鷺引爲功故劾之此作哈咱兒誤

其妻張氏伏闋上書

按徐階所撰墓志繼盛嘗獨居深念妻張氏問故公曰吾受上恩思報耳張氏曰嚴相方用事豈君直言時耶公不應遂於癸丑正月上疏

楊繼盛附傳

兵部尙書趙錦疏辯

按繼盛得罪後兵部郎中周冕申論嚴效忠冒功事亦下詔獄雲南清軍御史趙錦以元旦日食疏請罷嵩亦逮問下獄趙錦字元樸餘姚人時有兩趙錦一爲兵部尙書一卽雲南清軍御史也

楊允繩附傳

出治二洪

按陳愷所撰馬從謙墓志從謙署彭城飭典修令初
徐梁牽夫不習水性因檄州官以粟募能水者充役
有召則千夫卽集又二洪之險舟觸立碎因捐俸募
石工去其害

竟死杖下

按獻徵錄從謙未死數日前出書教諸子且諭散粟
帛以與親故無一語及家事

列傳第九十八

桑喬傳

賊遂深入天城陽和

按天城陽和二衛名俱大同縣所轄地見明一統志
謝瑜傳

會給事中朱隆禧亦以爲言亦以爲言改亦言之

瑜隆慶初復復下增自字

按瑜隆慶初復官此脫官字於義不足

謝瑜附傳

嵩憾甚

按嵩深憾王聰時薛應旂爲南考功郎中主京察嵩令尙寶丞褚傑貽書應旂令黜王聰應旂反黜褚傑嵩愈慍甚尋假他事奪其官見薛應旂方山集及本

傳

沈良才秦州人

泰改

按泰州志及題名錄良才嘉靖十四年進士揚州府

泰州人

徐學詩附傳

秦府永壽王世子惟熾

庶世改

按懷培爲永壽共和王庶長子惟熾之子惟熾乃共
和庶六子不得稱世子此誤庶爲世據明史記事本
末及諸王世表改

厲汝進傳

並謫雲南廣西典史

按汝進得雲南亦佐典史秉彝得雲南定遠養正得

雲南通海起宗得廣西荔浦祿得廣西荔波見明實錄

王宗茂傳

廣布良田

布改市

按原疏作廣市良田

周冕傳

冕極言教諭不可緩

教諭改論教

按諭教太子本漢書賈誼傳此作教諭誤

趙錦傳

授江陰知縣

按錦在江陰時有巨盜許貴出沒剽劫爲害以計禽

之上官有以供需責者抗辭不應請自就劾其後錦
官光祿奏減江陰歲進子鱉之半由爲令時深知其
害也見獻徵錄

召拜左都御史

按錦召拜都御史時甚負物望御史李植江東之諸
人推轂甚力而植等方攻大臣諸大臣申時行許國
楊巍輩皆杜門求去朝端譁然錦疏言言官劾大臣
當權其生平人品事業不宜概詆毀乞慰諭大臣責
御史言過以存國體帝爲下詔戒諭諸大臣獲安見
明實錄及弇山史料

其冬以繼父喪歸父改母

按錦父墳於錦削籍後之八年卒其由都御史遭喪
蓋丁後母魯太夫人憂也見朱賡所撰墓志此誤母
爲父

吳時來傳

倭犯境

按時來在松江防倭最爲有功方倭去松江將突南
都時來獻議當事亟檄吳江令泄太湖水出平望趨
澱山湖以水兵塞諸隘賊果由構李道平望阻水不
得進爲官兵遮擊有王江涇沈家莊大捷見莫如忠
所撰紀功碑

如趙文華王汝孝張經蔡克廉至虛官帑以實權門

按時來原疏云趙文華饋遺數萬猶爲未足而授草
引疾張經被逮行金五千及聖斷不貸而爲治喪賄
卹王汝孝失律以三千而轉京卿楊順誤國而三廕
其子吳嘉會修邊侵冒而驟遷三官此蓋取其語而
刪節之也見嘉隆奏議

晚節不能自堅委蛇執政閒連爲饒伸薛敷教王麟趾
史孟麟趙南星王繼光所劾

按是時南京御史王藩臣劾巡撫周繼不具揭都察
院爲院長耿定向所劾時來因請申飭憲規藩臣坐
停俸辭敷教遂上言時來壅遏言路代人狼噬諸給
諫相繼攻之時來因乞休見敷教等傳

張翀傳

世蕃以狙猾資

狙猾改
駟僧

按世蕃以駟僧資原疏作駟僧本史記此誤作犬旁
獸攫烏鵲

烏改

按周禮鄭注烏鳩喜鈔盜便汙人嘉隆奏議作烏鵲
此誤爲鳥

鄒應龍傳

會方士藍道行以扶乩得幸

按帝入方士藍道行言有意去嵩鄒應龍避雨內侍
家知其事方欲具疏一夕夢出獵見一高山射之未
中東有培壘樓其下甚壯樓俯平田有米草覆其上

一注矢拉然醒而悟曰此小兒東樓之兆也遂上疏
劾世蕃見明史紀事本末及嵩傳

久之世蕃誅

按世蕃誅後應龍累進大理少卿太常卿大理卿見
明實錄

林潤傳

以事之南豐寇猝至

南改永

按潤卻寇事永豐人德之爲刻石紀功徐觀潤所撰
傳亦作永豐此誤永爲南

已劾副都御史鄖懋卿五罪

按林潤所劾懋卿五罪一爲要索屬吏饋遺二爲濫

受民訟勒富人賄三爲置酒高會日費千金四爲虐殺不辜怨咨載路五爲苛斂淮商幾至激變見嘉隆

奏議

贊

言者踵至

至

適會其時歟

改言者抗疏直諫雖不至如楊沈之慘罹刑戮然斥逐濱

死甘之如飴亦有足多者若胡汝霖謫官之後反附嵩

以進吳時來屢挫之餘竟委蛇朝端識者譏其晚節之

不堅焉顧一以嵩黨奪官一以朝議削謫洵哉直節之

不可以僞爲也鄒應龍林潤當嵩寵旣移之際所言易

入迹其疏之切直非必過於諸人而大惑由之授

首蓋惡積漏身而鄒林之彈擊乃適逢其會歟

按作贊從嘉靖立議而專書鄒應龍林潤似於桑喬等之直言及汝霖時來之晚節轉致漏略

明史攷證擴逸卷十八